



COMUNU DE QUARTU S. ALENI

Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.

## **GHERRA A IS MUNTONÀRGIOS ABUSIVOS, INTENSIFICADAS IS ATZIONES DE VIGILÀNTZIA**

Tolleràntzia zero in is cunfrontos de chie incuinat e deturpa s'ambiente abbandonende refudos in su territòriu quartese.

S'Amministrazione comunale decrarat gherra a is muntonàrgios abusivos e intensificat is atziones de vigilàntzia subra de s'agru e longu totu su litorale, a su fine de prevènnere is reatos ambientales e iscoragiare s'abbandonu de refudos e ogetos de ogni tipu a banda de is intziviles.

Su traballu de su Corpus de Vigilàntzia Ambientale at frutadu resurtados cuncretos fintzas in is ùrtimas dies. Is agentes sunt difatis intervènnidos a Flùmini, cun s'obietivu de averguare eventuales rastros de scontrini o documentatzione chi permitteret de torrare a artziare a is responsàbiles de un'ampru muntonàrgiu in localidade Ischit Tanchitta.

Is iscumbatas fatas ant permìtidu de torrare a artziare a is trasgressores, chi sunt tando istados identificados e posca cunvocados pro is comunicatziones de su casu. Is culpèvoles ant difatis dèvidu ripulire su territòriu in sa cale aiant iscarrigradu is refudos issoro; ant posca dèvidu diferentziare in manera curreta pro posca cunferire comente a règulas imponent. Non petzi. In sa die de oe est istada issas notificada sa sanzione, pari a € 500.

Est unu resurtadu chi s'est resèssidos a cròmper gràtzias a s'aficu e a sa professionalidade de is ufitzios, a sa cumpetèntzia de is ispetores de igiene urbana e de is cumponentes de su Corpus de Vigilàntzia Ambientale. Sa majoria de is quartesus difatis eliminat in manera cuotidiana e diligentemente. Si fintzas cudda ala pitica de indisciplinados s'alliniaret de un'ala diamus tènnere una tzitade prus neta e de s'àtera sa pertzentuale de collida diferentziata diat artziare galu de prus.

S'Amministratzione càstiat difatis cun semper prus cumbinchimentu a is printzìpios modernos de s'isvilupu sustenibile. Fintzas pro custu sunt importantes is initziativas furriadas a sa sensibilizatzione de is tzitadinos: resessende a individuare e reduire su nùmeru de chie non respetat is règulas benint tutelados cussos chi imbetzes diferènziant cun atenzione. E nointames b'apat ancora in traballare contra is (pagos) maleducados chi abandonant in is periferias, in is sartos e in is marinas, Quartu rapresentat giai un'esèmpiu virtuosu.